



蘭藻堂集卷十 鴻爪集

苴畝舒 瞻雲亭氏撰

移寓城北六首

移居北墅傍城根
淺水平橋自一村
隔岼菱田三

十頃秋風秋雨正當門

鴻爪東西印雪泥
天涯又借一枝棲
劇憐結習依然
在數卷叢殘手自携

曲曲南湖路可通
佳名舊署水晶宮
不知玉照堂
何處蔓草荒烟野
寺中



侍郎宅近白洋橋曾種春風柳萬條頭白鄰僧為

拾點園林無恙草蕭蕭謂挹先生舊宅

首宿先生有舊廬謂挹先生舊宅水房花事愛秋餘時時引

我田園興烏帽黃塵謝不如

門前溪路一痕斜閱盡行人市不諱白犬黃雞圖

畫裏祇如通老又移家

恭和 御製小有天園詩元韻

幽處真疑叩洞天林亭窈窕傍湖邊暫親魚鳥非

行樂絕勝樓居已得仙 瑤輦花飛含曉露 御

床風靜上茶烟遥瞻 睿藻繽紛處妙義誰能象

外詮

由南山亭訪慧日峯

鼓勇及晨興招客事游行平生支筇手山水緣未

淺選勝証夙聞鳩來意始展曉陰入叢密物候不

可辨秋高嵐靄蕭蒼然湍危巘飛泉何琮琤自隨

竹徑轉木末見湖天流眄互近遠精舍倚松根破

礎苔花徧鐘魚不復聞幽闥叩空院寥寥思清吟

謂六諳上人庶令俗情遣暝色起前林覽興有餘戀此

蘭溪堂集 卷十 一
意期休公巖棲吾所羨

琴臺

秋光解娛人為我滌塵慮况茲南山隱幽討任來
去頗聞襄陽書片石出榛莽筆蹤認仿弗尚見風
骨蕭眾壑寫哀音寄此絃外趣同游得琴聰摩抄
倚崖樹空亭歛夕陽烟景紛流注

歡喜巖

南山若屏幃綿亘湖之湄詰曲叢篁中直上凌嶽
崎遠勢入飛鳥明滅無定姿迢迢晒重湖蒼靄紛

蔽虧幽吟斜景淡隔岼清鐘遲晏坐方息心散步
仍忘疲平生幾兩屐此語真吾師

幽居洞

養疴南山下游目多所親山空氣候殊涼颼激衣
巾扶筇入巖戶佳境搜荒榛洞門滿寒翠闕寂疑
古春摩抄舊題壁漫漶歲月湮我非質名客小住
願亦伸後游疇能同相期負苓人

家人卦

丹崖俯百尺磴道盤空虛豁訝漏曦景照見涑水

書惜哉已剝蝕但識點畫麤想公趨庭暇杖履窮
清娛餘事展芳翰落筆追古初言行視素履妙義
利家居至今殘墨痕珍重等金瑜何人能好事響
搨工爬梳沉沉土花碧細雨窳鼯鼯

述事言情仍用舊韻呈裘漫士少宰同年四

首

相看面目故依然南北分携又幾年仕官自知能
事少林泉差喜得秋偏靈槎重見天邊度芳訊新
從日下傳玉尺冰衡原不爽門墻桃李已盈千

藜光高映浙東西鎖院深沉覓舊棲半壁秋燈思
對榻一簾涼月記分題仙舟有約期同載雲路無
緣更作梯却羨故人清望重九天雨露滿瀛奎
匆匆揮手謝浮埃楚鶴孤雲共往來病後商量唯
藥物閑中風味付茶杯文章似我原無用樽酒經
年喜再陪車笠平生交誼在一時笑口得重開
桂林深處擷天香秋入湖山興正長此日聲華同
玉局前身詩骨本鄒陽江鄉風物誇鱸膾舊夢雲
霄愧雁行預擬登高尋後約為君料理紫萸囊

叩玉池

山根春雨餘散入幽澗曲
援琴時獨來流響憂哀
玉

方池青瑤流潺潺繞僧屋
我擬携詩瓢汲此一湖
淥

天竺口占

聽水聽風笑口開騰騰不厭入
山來故人雅有伊
蒲供分得齋厨一飽回

雨中過六橋同指南上人作

為看青山去長隄冒雨行
湖雲分曉色風葉動秋
聲笠屐尋閑地樵漁共野情
高吟驚宿鷺飛入遠
天明

九日寓齋小集得逢字

江鄉雲物展秋容客裏重陽喜
又逢大有湖山堪
蠟屐忽教風雨阻詩筇故人不負茱萸約
小聚聊
為稻蟹供何用尊前賦招隱
一庭叢桂正香濃
時桂開花盛

賦送漫士少宰還 朝即用其入闈漫成二

首韻

迢遞燕臺望裏遙白雲歸夢促征橈尊前別袂沾
秋雨江畔吟情戀晚潮此日題襟仍舊地曩時剪
燭記深宵清班久在星辰上曳履從容侍早朝
星離雲散又三年客裏重逢六偶然五夜定看藜
火燦一時爭羨榜花傳自慚見獵猶狂喜忽憶聞
鈴正獨眠後會春明知不遠南皮唱咏繼前賢

晚秋雨霽范容安招集湖上

招要裙屐搃風流稠疊壺觴晚未收晴色遠開千

嶂雨涼雲低壓一船秋十年朋輩都如昔此日行
踪尚小留莫道韶華便蕭瑟芙蓉依舊滿汀洲

姜禹門太守雨中招集蓮若庵

一棹南湖畔城根野渚涼林廬通遠近佛火見微
茫折葦偏鳴雨新橙欲試霜故人珍重意樽酒話
更長

同是天涯客相逢笑口開未應愁白髮已自歷黃
埃宦海迴舟日僧房聽雨杯當年嚴武幕會有杜
陵才

謂蘭垞
徵君

曉過昭慶寺

幾杵疎鐘度水遲
寺門開處曉風吹
寒生林雨初消後
秋在湖雲半起時
白鷺忘機如導客
青山隨意可題詩
近來空色都無著
一卷楞嚴問阿師

題王樹階竹閣讀書圖

風雨蕭蕭竹樹寒
一燈相對坐更闌
不知門外秋多少
自掩殘書負手看

秋夜不寐

一夕霜風客夢驚
薄寒微中覺衣輕
維摩示疾誰

相問張翰思歸計
未成秋老亂蛩喧
敗葉夜闌飢鼠上空
檠眼前景物多
張觸又聽鄰雞報
五更

為長卿題雲溪返棹圖

百折雲溪深復深
歸帆漠漠掛秋陰
瑤池舊館依然
在碧落仙踪不可
尋
角枕已殘通夜夢
錦衾長抱一生心
潘郎此日頭堪白
猶向風前作苦吟
蕭條薄宦客天涯
每對東風感落花
夜半銀燈應有淚
春殘燕子竟無家
畫圖彷彿仙源路
鄉夢迷離碧海槎
底事為君話惆悵
鬢絲禪榻送年華

閒居和竹田

忽忽驚秋晚勞勞役客心雲山紛遠夢風雨作重
陰短綆嗟何益長鏡或可任思歸歸未得迢遞發
孤吟

久作江關客年年憶故園西風孤鶴警殘照亂鴉
翻雞黍交情在詩書臭味存閒居理茶事位置到
餅盆

立冬前三日泛湖

寒事授衣天相携上釣船霜清湖岬柳晴散寺門

烟佳節餘三日秋光盡一年歸來吟興好斜照滿
尊前

雪莊秋晚

背倚青山面對湖天然結構好規模題詩試問
開士如此林亭入畫無
柳絲蘆絮望週遭一片秋光正沈瀟更待梅開來
看雪騎驢重過段家橋

題讓山上人梅花小照

窓中山色濃於染檻外梅花瘦入詩羨煞道人無

一事漫天飛雪卷簾時

湖樓題壁

門前踈柳繫輕舟買醉聊為半日留白鷺晴飛秋水
岼夕陽紅上酒家樓堆盤橙蟹皆佳味到眼雲
山似舊游此段風流堪畫壁惜無人解唱涼州

登南高峰

登高直上南高峰壁立千仞青芙蓉諸山羅列非
一狀日午但覺秋濛濛槎牙怪石蹲虎豹屈曲老
檜蟠虬龍徑路或隨蒼蘚沒斷塔時有雲陰封江

湖左右若襟帶蒼茫直接海門東風帆沙鳥不知
遠水光天色交相融造物變化在俄頃奇觀歷歷
開心胸乃知塵土日跼蹐何如高步翔虛空振衣
長嘯羣谷應秋聲萬壑鳴鐘鏞歸來遠天橫落日
霞光一片長林紅便擬獅子峰頂住時時曳杖相
過從

芙蓉

小苑憐晴色花光際曉稠楚詞寒古木越女接清
眸生色宜中酒高枝欲近樓紅雲圍水尾春雪糝

蘭溪堂集 卷一 九
墻頭寒蝶猶三匝冬心抱一秋隔簾人影亂半角
夕陽收乍有綾衾贈還疑畫舫游倩誰留粉本伴
我築糟邱結穗逾霜信移根倚釣舟寂寥交甫意
相對捻含愁

像生花次長卿韻

密葉繁枝匠意深嬌紅嫩白自成林全憑妙手經
營力不用東皇次第心入夜那堪清露洗過時猶
耐曉風侵無邊春色隨人買祇費儂家一餅金
何人剪綵費工深幻出名花壓上林一種別開傾

國色四時長有鬪生心珠簾隔處蜂難覓寶髻簪
來蝶不侵却笑潘妃誇步步幾多辛苦鏤黃金

題陸芑洲寒山舊廬用張文端公韻

數椽精舍傍林邱幾度携筇續舊游檻外江聲長
繞郭座中山色恰當樓徘徊笠屐思前輩形勝東
南據上流心跡蕭然成小隱塵埃何地著閒愁

初冬集舊雨齋分韻

紛紛落葉散簷坳晚歲招尋過古巢大有荒寒詩
境在似因風雨客懷拋幾人好事如吾輩舉世論

心祇素交試捲重簾看天氣濕雲一抹壓林梢

即席復作長歌仍用前韻

凌晨小雨飛林梢薄寒中人十月交古巢主人能
好事折柬宴客治家庖尊壘盤筯親位置白魚紫
蟹魚珍肴餘甘乍回諫果味小剪初試霜橘色羣
公豪飲堪一石而我堅坐空相嘲屠門食肉笑吳
質山肩覓句追孟郊風塵詎有我輩客嘯歌隨意
何紛呶此時景物已寥落冷侵簾幙風颭颭涼葉
打階如落霰霜花幾朵留亭均今我不樂歲云暮

黃金虛牝空擲拋流連盡日不知罷歸來街鼓聞
初敲河塘咫尺通小市遠近燈火明重茅

周臨川招集讀書園

園林成小築邱壑本無雙竹色分三徑池痕瀉一
牕身閒宜載鶴地僻不驚厖便擬長來徃時時倒
玉缸

流連堪盡日團坐話幽懷不速三人共真成四美
皆霜鐘催短景宵柝靜寒街歸路隨明月清光上
筍鞵

冬日泛舟至聖因寺

寒風料峭上衣稜歲晚扁舟興偶來自笑平生猶
累俗向來清福不如僧經霜木落明遙岫帶雨雲
陰隔楚滕彷彿倪黃圖畫裏精廬還往記吾曾

送諸桐嶼孝廉公車北上

送君北上載書船脫手還教一悵然入洛才名爭
此日遊梁風景憶當年離心朔雪梅花外客意黃
塵烏帽前三月長安春似海嬉春人自占春先

有鏡湖
嬉春圖

與桐

旗亭酒罷袂初分迢遞金臺入暮雲上苑春風如
遲客玉堂故事總推君十年見獵心猶喜夙世論
交意倍殷笑我天涯長作客又從客裏感離羣

題禮齋自怡小稿後

彈丸脫手見清圓好句真堪萬口傳彷彿靈和春
柳色風姿濯濯想當年

問水尋山樂事多詩場酒地興如何家傳玉局風
流在羨爾居然似小坡

謝家兄弟總知名春草池塘入夢青午夜論詩清

不寐風風雨雨對床聽
讀罷新詩欲四更
梅花香氣撲簷楹
呼童試捲重簾看
月色霜華一味清

歲暮雜感四首用萬近蓬秀才韻

雪北香南暫寄居
鴻泥萍絮一年餘
置身夷惠之間
好混迹樵漁
以外踈破臘
梅花堪釀酒
經霜蕉葉不中書
殘冬風景關懷抱
憑仗新詩為折除
落落行歲未盡迂
漫從俯仰費嗟吁
求仙何處尋黃石
說鬼聊堪號董狐
客路幾番雙鬢改
鄉心千

里一燈孤中宵拊髀緣何事
不分崢嶸歲又徂
剝啄無人客到稀
小園水木足清暉
夢中蕉鹿情原幻
杯底弓蛇事搃非
二頃田難謀負郭
百城書可擁重圍
年來領略柴桑意
白日蕭閒自掩扉
匆匆過眼盡雲烟
獨坐支頤短燭前
雞肋未拋聊爾爾
菜根細嚼已年年
難分去就因人日
不定陰晴釀雪天
樓拍東風消息近
囊中還有買春錢

除夕

為惜韶光去匆匆
又欲闌酒香浮柏葉詩
味入椒

盤守歲情如舊思親夢未安青紅看見女客裏小
團圓

立春前二日過白雲堂

湖山雨後倍澄鮮破曉登臨客意偏十日風光開
水際二分春色到梅邊暫拋塵網元無礙屢對清
齋亦有緣笑把新詩酬令節天涯行樂又今年

雪舫至自邗江

烟波浩浩渺愁予兩載無由問起居小艇遠來新
雪後故人重聚落燈初江南花信寒猶勒淮北交

游跡未踈一笑尊前論往事幾多塊壘已消除

雪中集舊雨齋分韻

十日春猶淺連朝雪未收梅花開老屋玉笛動清
愁曉色初侵幌輕寒不到裘圍爐消永夜絕勝剡
川遊

秋塍太史招集西谿問渠草堂看梅以統樹

百千回香在無言處為韻分得百字

江陵橘千頭成都桑八百何如種梅花林下寄高
格先生玉堂仙清氣溢水石昨泛剡曲船來尋溪

上宅得地非買鄰開軒更通陌參差面晴嵐曲折
耿莎碧歲寒冰霰多吹香泛瑤席我從諸老游得
叩林栖迹鼻觀參逆聞泠泠動輕策舊傳翠華
臨溪山映奎畫俯仰歲月道精舍看新闢芳游
及春期嘯咏樂今夕酒罷獨徘徊烟光落頽憤安
得千億身盡為梅花役

上已前一日泛湖同用船字韻

東風吹散滿湖烟細雨廉纖送畫船遊事最宜三
月裏春光都在一尊前錫簫粥鼓渾無賴斫柳汀

花絕可憐回首舊時屐履會風流猶憶永和年

丙寅

歲曾脩
禊湖上

送查儉堂司馬赴桂林

日下知名早天涯識面遲那堪成小住便欲賦將
離花柳春江棹雲山驛路詩消魂南浦外况復雨
如絲

萬里蠻荒路更番作壯遊頭銜看五馬旌節領三
州握手新知樂分襟異縣愁期君多古意為政及
前脩

為儉堂司馬題重修龍谿黃文節公祠小錄

後

太守風流冠一時
涪翁異世感相知
詩篇久奉西江派
俎豆重新宋代祠
瘴雨蠻烟尋往蹟
黃蕉丹荔頌清辭
因思獨坐南樓日
那識司空黨籍碑

天台山行贈張麟圃太守

天台巖業一萬八千丈
摩霄絕壁鳥飛不可上
造物有意貢靈境
金庭玉室紛相向
使君慈惠之師
忠信長一鶴
一琴何蕭爽
遇民如孺
民不欺了却

簿書理策時
孤往攀蘿捫葛
不知疲怒特亂撐
瞳目視之神
忽恍中有石梁浮
空盈咫
廣素浪盆出
淨氛塊瀟澹而粲
潏困渟而滉
漾午陰蒼雪寒
松風羣壑響
或云神仙之所集
或云幽人之所栖
千載傳述圖經
定非妄使君詩骨
尤峻增康樂前身
屐幾緬眼中
一一妙領略
五字高吟遍
厓嶂自愧浮踪
墮塵網
夢寐空縈紫霞
想建標擬看赤城顛
五色九光何晃晃
明川照海素稱奇
水蒸風斷都堪賞
安得登流霞之室
飲流霞之杯
與君一咲同

撫掌讀遍興公太白舊題榜

題曹桐君秋林琴趣圖

風林靜靈籟涼意生蘿衣中有抱膝人囊琴對翠
微偷然無絃旨似惜知音希晴泉瀉幽徑幾曲環
漁磯展此襟抱閒太息櫻塵鞿

雪後湖上同禮齋作

出郭騁遊目東風吹晚晴煖烟一湖暗殘雪四山
明岼柳初消凍林鶯欲試聲段家橋外路直似畫
中行

法喜寺同恒上人作

踏徧雲中路幾盤辨香親自禮旃檀中年成佛疑
虛語一日消閑竟屬官開遍野桃春漸老啼殘幽
鳥雨猶寒如何懷抱多枵觸試問彌天釋道安

偶見新柳口占

蓼蓼垂柳拂晴波宜雨宜烟態轉多他日定愁攀
折盡教人無奈別離何

渡錢江

兩載西興渡重來一問津烟光籠樹晚山色隔江

春欲濟原無意乘槎忽有因投竿何日是安穩羨
漁人

山陰舟中

百里清溪泛野航越山夾岼鬱蒼蒼眼中風景都
如故世外酸醎已飽嘗自笑頻年長作客偶逢舊
地當還鄉曉來忽訝衣衾薄篷背新霑五夜霜

懷人

懷人在天涯萬轉如行路嗟我蘭蕙子別來三月
暮暝坐想所歷湖船醉春雨迢迢雙鯉魚為君寫

幽悵

湖上偶占

東風料峭客衣單二月湖頭尚薄寒畫舫何人吹
玉笛高樓大半倚朱欄遠山未許修眉妬嫩柳偏
宜青眼看畢竟嬉春天氣好鐵厓新體和應難

送汪西顥游吳門

萬樹河橋柳纖纖入望新如何當折贈猶未及殘
春落日催行棹青山泥酒人桃花潭水畔翻是送
汪倫

蘭藻堂集 卷一
作客知君慣謀身
咲我踈旅程
三宿近別緒
一年初夜雨
思聯榻
春風夢倚閭
歸期應不遠
分手莫躊躇

賦得湍街垂柳綠絲烟

垂柳絲絲綠可憐
六街晴色煖生烟
千梳搖曳春風裏
一片迷離夕照前
少婦凝粧看嫋嫋
章臺走馬記年年
不須更咏龍池句
畫出江南二月天

雨中過南屏訪嶺雲上人次竹田韻

細雨溟濛一棹斜
垂垂烟柳已藏鴉
雲昏不辨湖

南路春老誰歌陌
上花但與閒鷗分
物色肯因逝水感
年華坡公尚有論
茶興携屐還來謙
老家

蘭藻堂集卷十終

蘭藻堂集卷十一

南帆北馬吟稿

堃畝舒 瞻雲亭氏撰

引 見入都留別武林同社二首

棟花風緊雨霏微
小疊輕裝向帝畿
奔走依然前度客
晨昏還憶故山薇
詩吟斥堠誰相和
夢繞關河忽趣歸
却喜趨庭多樂事
篋中先檢老萊衣
脫手河橋謝故人
迢迢芳草客途新
明知小別關何事
偏覺離情泥此身
兒女他鄉應計日
舟車一路獨衝塵
十年辛苦為郎慣
又捧天書拜紫宸

舟過臨平

我從西湖來衣上湖光濕舉擢百里中青山已迎
客何處藕花洲蘆烟晚蕭瑟

雨夜舟中同恒上人話

入夜放舟行雨聲落篷背喜與老僧談絕勝俗客
對遠岬見漁家燈火半明晦微風隔浦來搖蕩波
紋碎撫景話寸心慷慨增十倍宦游已多年碌碌
風埃內袍繫祗自慙華膺何足貴暫許返家山猶
未脫塵累北馬與南騶奔走甚矣憊何時謝浮生

俯仰無芥蒂埜成起荒更孤村聞犬吠徘徊不成
眠新涼生襟帶

石門道中

一帆朝掛虎林城百里青山送客行行近語兒溪
畔路綠陰如水杜鵑聲

張龍威以詩送別即次其韻

半載當湖住曾經借一枝更番成小別珍重數歸
期列戍烟樓迥沿塘漁火遲春波與春草併作故
人詩

魏更生追餞於皂林詩以別之

秀溪橋外水滌洄十幅蒲帆傍晚開迢遞雲山歸
客路殷勤雞黍故人盃荒邨漸見炊烟起落日微
聞戍鼓催莫向天涯增悵望秋風江上待重來

法雲山房小憩同浦山徵士大恒上人

客裏閒情訪雙樹菰蘆精舍留人住法雲飛雨散
天花依稀記得曾來路漠漠長松一徑通迢迢碧
蘚三門護高僧飛錫恰同舟况有詩人來索句款
款茶瓜話寸心流連不覺晨光暮無端行色重催

人片帆遙指夕陽渡回首風前一悵然人生聚散
真萍絮擬將一櫂泛江湖長向烟波盟鷗鷺

杉青閣別恒上人

扁舟二百里三日共清吟此地仍為別一溪春水
深白雲生遠夢芳草有離心問法因緣在還來祇
樹林

鶯脰湖

鶯脰湖寬散晚烟客程此夕得沿緣自憐行色隨
沙鳥不見神仙共釣船出網銀魚剛二寸飛花楊

柳過三眠風光到眼無聊賴買醉還須酒十千

舟過吳江有懷竹田仍用舊韻

晨光乍展一溪烟八圻津頭獨放船芳草綠波思
往日黃塵烏帽又今年東風冉冉愁初別南浦迢
迢夢已傳十載勞生堪失笑天涯踪跡幾人憐

舟中望錫山

無錫天下清銘語傳古諺拂曉進吳榜望望青一
片九龍半入雲東峰獨秀清幽澗隱嘉木陽陂披
美箭須臾春陰開嵐翠高下變蒼虬與縹螭頭角

爭曼衍

蒼虬縹螭見陸羽惠山寺記

淡如蛾眉灣濃似螺髻縮

拄頰倚篷牕微吟忘磧面漸看塔影圓閒心寄遙

眄艤擢長松根一笑理茶串

以惠泉試龍井茗

吾聞能韻泉之勝者茗能發茗之美者泉

二語見王弇州

慧山真茶名泉兩相遇庶幾稱此風爐煎不然又

新鴻漸饒月旦何以彼此交相宣竭來西神山乳

水巖根穿解衣盤薄坐石上那暇更論谷簾中冷

與此相後先矧復都籃攜得社前焙開絨猶帶風

篁頰上春雲鮮空亭燒藥自煎呷松風檜雨槭槭
 牙齒間平生茗事頗負癖七椀肯讓盧玉川翻笑
 好事折洗勞遠遞折洗惠山泉見清波雜誌如余素甌靜啜應
 垂涎

滄浪亭懷古

隘間城南多水竹徑轉荒岡翳喬木眼中突兀見
 遺亭云是蘓公此為築惟公才杰洵雄彊立朝嶽
 嶽如神羊一朝羣小肆讒口誣盜故紙紛彈章誰
 知清風明月地用歐陽文忠公詩意魚鳥流連足快意盤閭

早出晚歸來坐嘯北碕亦高寄前乎公者錢與孫
 章韓繼有開雕軒從來富貴等兒戲飛橋大閣隨
 雲奔至今滄浪名字好拾葉孺子皆能言嗟乎名
 與身孰久始信文章真不朽當其貶逐湖州時豈
 料斯亭遂長有我来亭下荐溪毛三爵酌公公知
 否

登甘露寺樓

招提締何年初自吳甘露蕭公登斯樓慨焉咏北
 顧缺鑊空團團鐵堦尚撐拄鰻井與狼石名在蹟

非故萬古此江天斜陽詎肯住洪波捲六朝閱世
如過羽我來倚虛檐蒼蒼晚烟暮遠見廣陵城微
辨京口樹好風不留行中流盪圓兔

舟中望金焦二山

大江無風波帖平統如打鼓捩舵行烟空寫出天
宇豁金山未過焦山迎頭陀道場炫丹翠隱士草
廬竹無次佳處何由快一登但寺裏山山裏寺

山裏寺金山寺裏山明高對游兩山記中語塵中無術遂抽簪玉局先

我心懷慙又隨雙槳截江去鐘聲隱隱飄淮南

揚州

愛此繁華地重來一泊舟幾時能跨鶴昨日過犇
牛紅袖新歌扇青旗舊酒樓雷塘芳草外不盡古
今愁

平山堂

侵曉登蜀岡磴道窮躋攀松陰漏日薄竹色沿溪
灣一堂據其勝俯見江南山招之殊偃蹇一一浮
烟鬟南徐與北固江影圍彎環緬維廬陵歐文采
輝塵裏想見攜賓僚勝日銷清閒俯仰六百載至

今留人間倚闌邈懷古化鶴當來還

瓊花觀

唐昌玉蕊花種自何年植曾入衛公詠明姿呈秀
格飄空雪有香映階玉無色傳聞花開時仙子此
游陟隋唐迄炎宗璫枝光的樂如何元至元剝蝕
剝枯槭黃冠脩故事補栽種非昔竭來觀裏遊踏
破蘚痕碧攀條為踟躕閑庭空寂歷東風吹日斜
墻陰開蓂蔔

渡黃河

天蒼蒼野茫茫白日欲下黃河黃濁浪端從積石
導驚瀧束自龍門旁誰復乘槎泛星宿想像沉璧
猶晶芒公無渡河古云戒珠宮貝闕森相望那知
波濤仗忠信柏亦可泛葦可航擊楫徑渡賀出險
又聽風鐸聲琅璫

望嶽

岱宗洵神秀蔚為羣岳尊眼明百里外先見青蒼
痕七十有二家封禪紛駢蕃方鎮齊魯割典禮唐
虞敦我來阻登陟凝望肅心魂頓開崢嶸胸何異

蘭溪堂集 卷十一
雲夢吞秦碑及漢碣惜未五指捫安得綠玉杖振
衣窮板援屈曲歷神府跌宕凌天門日觀聽雞唱
一看搏桑暎僕夫不解事叱馭投前村封中白雲
起馬首蒼烟昏

留智廟曉發

鈴鐸聲催曉夢殘軟紅塵裏望漫漫還家已是多
年別作客何能五夜安梵寺荒鐘敲月落村樓戍
鼓報更闌故鄉風景如相識行路悠悠未覺難

入直
隸境

抵家

馬首看鄉路重來問故園風雲通朔漠景物異南
村暫息形骸累聊為親舊言荒蕪遍三徑松菊幾
株存

展墓

游子頻年別故鄉墓門展拜倍淒涼幾多宿草留
荒壠十載萱花謝北堂捧檄此生猶恨晚牽衣當
日已神傷風前不盡沾裳淚愁聽慈鳥噪夕陽

晤唐書田

幾載江關別相逢感倍生共懷陟屺痛不盡對牀
情車笠盟仍在風塵夢易驚與君傾濁酒細話入
溪更

有感

家園此日記重過擊筑無人更和歌衰葛涼暄元
自別鶴鳧長短竟如何天南地北身將老感逝傷
離境轉多攜得斜川新畫本歸心暫爾寄烟蘿

人曾為余
寫攜幼圖

亡姬墓上作

五年回首太匆匆夢裏三生事不同明月有情湘
簾冷飛花無主畫樓空淒涼陳迹隨流水寂寞荒
烟鎖殯宮此段傷心何處寄一杯和淚醉西風

聽哥

檀板銀箏次第催梨園小部歷春魁橫波扇底偷
窺座髻影燈前暗入杯初日乍憐同小史行雲何
必夢陽臺參橫月落歡無極沉醉風前又此回

傳經院與介菴上人話舊

精舍傍城根松陰轉亭午地僻絕纖塵
總虛自幽

蘭溪堂集 卷十一 九
窳道人靜者流六時惟閉戶雅意愛圖書息心屏
鐘鼓閒傍折脚鐺煮茗啜清苦楷法擬鍾王研池
飛墨雨小別已五年相思鬱肺腑意外得合并離
愁不暇語憐余塵土蹤進退難自主况兼抱疴餘
孱軀猶縮組故鄉雖暫歸離筵又將祖夜雨夢連
床春風悲陟岵何當謝萬緣從師依雙樹寧復慕
壯遊聊爾安伏處斜陽下遙空涼颺散微暑

豐臺看芍藥

故園行樂數豐臺藥圃春風處處栽五六年來花

自好三千里外客初回不辭婪尾曹騰醉為惜將
離爛漫開歸去右安門裏路濃香十里散輕埃

感舊

舊有羊曇痛西州不忍過淒風原上滿殘照墓門
多往事如春夢流光委逝波亦知離別慣其奈死
生何

贈歌者宋郎八首

初日丰標漱玉歌當筵一曲動情多聲聲譜出江
南怨不管離人喚奈何

十四芳年學上頭嬌憨猶未識春愁偷從扇底窺
顏色一點橫波一點羞

雨淋鈴與鬱輪袍巧按宮商調寂高一片行雲飛
不散等閑壓倒鄭櫻桃

內家粧束出天然不畫蛾眉自可憐學唱吳儂懊
惱曲月華飛上十三絃

兒家卜宅與西隣不解悲秋愛討春古道斜陽芳
草外渭城低唱為何人

猶記王郎舞柘枝金臺花落雨如絲他時為我歌

新句彷彿旗亭畫壁時

鶯花過眼太匆匆撥盡琵琶曲未終底事尊前餘
悵望四更斜月五更風

相見難時別更難春明門外拂征鞍漫言此地真
吾土那得如花歲歲看

送松亭弟

萬里邊沙路遙遙度使星雲連絕塞紫山入大荒

青

王事君須勉塵勞我慣經

時予將返浙

翻思梨棗

歲風雨對牀聽

三忠祠

古祠 帝城東陰陰栝栢翳初建傳周珍靈旗颯
飄颻武侯起草廬鼎足早定計盡瘁竟殞星莫救
炎興歲鄂國大復仇渡河為二帝誰知三字獄沉
冤遂莫洩信國值孤危國亡身亦斃紫市就義時
正氣塞天地三忠未了心異代若並世英魄森凜
然勛名金石鏤我來肅拜瞻慨烏動遐企徘徊濯

纓亭

祠後有濯纓亭

夏木亂蟬嘒

留別

遲遲上馬出長安風雨連朝夏亦寒
笑我清狂元偶爾為君惆悵豈無端
來時漫道相逢易別去方知聚會難
一路旗亭楊柳色千回不厭轉頭看

出都二首

還家曾幾日遠道又孤征不盡關河意
難忘桑梓情暗塵迷馬首踈柳咽蟬聲
檢點頻年事勞勞役此生

多病仍為客征途暑未闌滄洲憐小吏
塵土去長安鞭影西風早河聲落日寒
鄉程看漸遠夕靄自

漫漫

雨中過盧溝橋

風雨瀟瀟未肯休，短衣匹馬過盧溝。
家貧詎敢羞微祿，親在何堪作遠遊。
十載韶華如夢裏，百年生事滿心頭。
今宵不見蛾眉月，省却征人一半愁。

次琉璃河

劉李邨中晨取道

見雷禮琉璃河橋堤記

茂林清蔭琉璃河

眼明遠見葭莢外，虹橋宛宛環通波。
舊展圖經證

聖水

水經註聖水出山谷孫汝澄曰即琉璃河也

沙堤五里復十里，低

頭閑咏石湖詩，不見鴛鴦水中起。

范石湖詩琉璃河上看鴛鴦

橋畔鐵竿卓且長，鄉里謬傳王彥章。
那解蛟龍性

所忌，古人鎮壓多周防。

橋畔倚一鎮竿長數十尺，蓋鎮壓之物，俗謂王彥章

鎮篤謬也見君不見錢塘江上鐵幢浦，樹幢功並

射潮弩，又不見豫章城中鍊柱宮。
八索鈎鏢洪濤

衝從知此竿亦此類，冶鑄何年失記載。
回塘駐馬

久摩挲，誰與一辨流俗昧。

白溝河道中

垂楊垂柳舞風多，帽影鞭絲次第過。
樹樹蟬聲聽

蘭溪堂集 卷十一
不斷綠陰直到白溝河

過趙北口二首

長隄十里柳毵毵幾處紅橋碧水涵
只少人歌采菱曲此間風味似江南
衣皮小艇泛菰蒲淀裏人家儼畫圖
夜出捕魚朝曬網槿花籬落雜鷗鳧

河間有懷亡友同復九孝廉

古瀛洲外路重尋垂柳斜陽散晚陰
十載關河遊子夢九原生死故交心
悠悠雞黍盟仍在寂寂人

琴感倍深彷彿西州盤馬客天涯回首一沾襟

宿富莊驛

十載長安道重來宿富莊黃塵迷遠樹烏帽走斜陽
未見頭銜改空憐髻髮蒼旅懷愁不寐坐待曉風涼

羊流店謁羊太傅祠

落日塵沙滿面吹西風下馬讀殘碑行經異代探環處
却憶當年墮淚時野水一泓臨古道高槐幾樹護荒祠
平生裘帶風流在薦罷蘋蘩有所思

過管氏三歸臺故址

叢灌翳林木積土何崔嵬斷碑插村口云是三歸
臺當日盛遊觀於今餘蒿萊想其秉國鈞羣小工
疑猜豎刁易牙輩釀禍方成胎築臺傷民力洵稱
明哲才不然齊嬰里且以清節推晏子所居里名清節里惜
未攜松醪一覆管林杯斜陽促飛轡繫馬重遄迴

魯仲連墓

魯連天下士高節凌秋旻談笑折梁客遺書愁燕
軍甘心蹈東海義不帝強秦豈意擾攘時有此倣

儻人玉貌久黃土荒墳草仍春下馬為咨嗟蘓張
徒紛紛

韓侯釣臺

韓侯釣臺枕淮水下邳歸來釣於此俛出跨下何
足羞寄食亭長未為恥獨惜功狗功方成一朝就
縛遽見烹能保漢室昧自保嗚呼智不如蒯生君
不見渭水濱嚴陵瀨知幾識主斯為最古人豈少
風雲會

過邗江懷陳竹町

蘭溪堂集 卷十一
吳烟楚樹望迢迢客裏吟情悵寂寥何處秋聲不
同聽西風重過擣衣橋

小玲瓏山館訪馬秋玉昆弟不值

海內論風雅韋家好弟兄參詩同茗事一酌大江
清別夢縈烟月征途阻合并石簿山畔路孤棹起
秋聲

登金山二首

十載江湖客名藍始一登潮聲通鐵甕山勢下金
陵突兀何年寺安閒此地僧 翠華臨幸後丹碧

影層層

直上浮圖頂憑虛放眼寬乾坤撐一柱日月轉雙
丸雲影橫牕落波光並檻看天風鈴鐸語六月自
生寒

遊惠山

曩游春未半茲來暑已徂溪山綠漸融林卉香猶
敷獨往似生客犖峩穿縈紆吟蟬感商氣隔水吹
笙竽木葉紛幽映潭黛涵清虛坐我空亭上平頭
煎臯盧何當脩故事置為調水符茶香清出院斜

景敬浮園

秀州舟中

綠樹迢迢叫子規
麥寒風緊去舟遲
重來試與雲菴老
細和當年玉局詩

謂恒上人

抵武林

浮沉踪跡等萍蓬
愧向湖山說寓公
芳草故園如昨日
清尊旅館又西風
正愁鴻雁鄉程遠
翻喜妻孥笑語同
客裏似家家似客
十年心事往來中

荆川太史絕

蘭藻堂集卷十一終

二八

蘭藻堂集

蘭藻堂集卷十二 尋舊集

荃畝舒 瞻雲亭氏撰

獨游湖上

宵來一雨洗清愁
放眼看山入晚秋
疎柳幾叢殘照裏
亂鴉千點遠灘頭
寓公已是成三度
暇日還來作獨游
此段詩情誰管領
伴人踪跡有閒鷗

西山道中

寂好秋容是雨餘
涼颼瑟瑟散衣裾
曉來雲氣潤幽徑
行處水聲鳴暗渠
誰信閒情兼吏隱
祇多樂

意共禽魚平生香火因緣在又向林中叩佛廬
雨中集舊雨齋觀金壽門梅花摺扇分韻得

梅字

秋霖三日積懷抱鬱不開故人隔巷招曳屐破莓
苔酒邊展素筵如挹春風回濃淡灑墨妙歷亂寫
踈梅云出髯金手寄自邗江隈欲為隴頭贈聊借
丹青媒灑氣挺虬幹寒香結古胎中有苦硬語不
受冰霜摧憶昨廣陵市讀畫傾深杯蕭條僧舍中
言訪凌風臺後期約共游一舸從沿洄西溪與孤

嶼兩地供徘徊緘詩報髯翁故園好歸來

頃予北來晤壽

江門於邗僧舍

題萬近蓬紅袖添香圖

夜月朝霞果是非神仙踪跡問烏衣湘簾一桁攤
書坐羨爾前身杜紫薇
七緯三經只自娛爐烟裊裊晚風俱寂憐午夜春
寒甚半臂殷勤解贈無

雨中二首

積雨不可止閉門空復情秋風吹衣裳冷然有餘

清草木委庭砌苔蘚上簷楹池魚忽出沒林鳥時
飛鳴物性本自然人事苦紛營俯仰隨造化庶幾
全吾生

浮踪滯異縣倏忽十星霜出處無定期何以善行
藏守道乃自貴遺榮庸何傷秋霖生暮寒披衣坐
匡牀詩書紛几案燈火相輝煌徘徊不成眠城頭
更漏長

蘭垞徵君暮年舉一子詩以賀之

人間樂事數添丁况乃先生已暮齡有母定知同

絡秀生兒恰喜得寧馨熊羆昨夜欣占夢詩禮他
年記過庭咲我得叅湯餅會美麈書誤筆還停

古意二首

涉江采芙蓉采花不采葉葉底有鴛鴦花間無蛺
蝶

涉江采芙蓉采花不采藕藕斷絲尚連花落香何
有

訪丁鈍丁不值

迤邐仄徑透城根落葉聲中一叩門亂石堦前餘

蘇色踈花檻外帶霜痕酒懷未與先生共詩卷閒
從令子論十里青山歸路晚沿江燈火送黃昏

錢清江舟行

錢清江水清且漣錢清江上生暮烟白蘋紅蓼相
新鮮娟娟細竹秋逾妍橋陰沙淺鷺兒眠參覃雲
木斷復連坐我七尺烏篷船興發獨叩中流舷筆
牀茗椀稱靜便西風吹衣催裝綿我不到此今幾
年舊時風景猶依然對之何異飲廉泉遐心上邈
漢代賢安得相與常周旋翩翩孤鶴飛寥天

越郡懷杜補堂太守

剡川風物滿汀洲題扇橋邊繫客舟賓從留連餘
勝地關河迢遞入深秋征途行李勞相問官跡塵
埃許暫留却為平生感知已寥寥烟月動吟愁

與高靜菴明府夜話

六年踪跡費追尋此日相看去住心病後驛驢甘
伏櫪倦飛烏鵲未投林秋風旅舍燈重剪夜雨黃
花酒共斟官拙自悲顏鬢改那堪容易惜分襟時

府引疾乞歸

遊寶林山

越中城郭皆山遶洗眼秋光山更好駕言且作寶
林游與客提壺喜晴皎步隨短草轉山根望倚長
松出林杪決筴遙開天姥雲當頭疾過平湖鳥山
屏水鏡映虛無市陌村檐逶繚繞一牛鳴地故人
居恨已無能共樽醪魯秋勝庶常宅在龜臺鰻井
跡還留茶板粥魚禪已杳右軍宅近佛火冷元度
塔高人代渺同是三生石上魂祇存遺事後人論
臨風莫漫頻懷古又看銀蟾出海門

雨夜

孤枕驚秋晚迢迢夜倍長一燈聞暮雨獨客在他
鄉憔悴潘郎鬢蕭條趙壹囊無聊思假寐遠砌語
寒螢

夢筆橋

攬衣一登夢筆橋橋邊秋急風刁騷涼波似箭去
不息江淹恨魄誰能招行人袞袞雜鷺鴨橋側即
往來但覺聲喧囂凌雲彩筆久元化懷賢短髮空
抓搔烏蓬著雨解纜去快如萬點鳴芭蕉

雨中遊曹山

夷猶任孤棹冒雨恣竒探
楚岫空濛樹溪流上下
嵐吟身天與健客意酒同酣
遺躅思前輩開書占

一龕

山側為陶石簣先生讀書處

和任處泉太守移居快閣詩四首

高懷落落託冥鴻
回首名場咲轉蓬
投老但思巖壑好
移家最愛水雲空
囂塵以外尋閑地
廉讓之間置此翁
一曲春波堪蕩漾
定知畫鷁勝青驄
如此溪山可住乎
身閒隨地足清娛
只緣卜易占

肥遯豈僅雕蟲鄙
壯夫風過池塘菱葉亂
雨來籬落藥苗蘓
眼中幽事牽吟興
獨倚衡門咲捩鬚
百文長掛杖頭錢
買醉尋詩處處便
小閣三間都近水
低橋一帶可通船
地隣古寺聞清梵
門對崇山見遠烟
晴雨料量農圃事
行過南陌又東阡
憶從此地結行窩
往事其如鴻爪河
過客尚憐游歷少
主人寧厭唱酬多
劍南畫入家家扇
江夏飛來隊隊鷺
一樣風流足千古
為君新譜鑑湖歌

秋日遊若耶溪雲門寺

夙齡愛超曠興發忘端倪一為紱組牽來徃罽塵
栖公暇豈遑懶輕舟亂鳧驚指點雲門寺沿緣溯
耶溪飄然青鞋趣昔賢如共攜練練巖際石纖纖
林表霓離離雁趁羣呦呦鹿引麝眺聽自足娛秋
容如可齋到寺松影直人家鳴午雞山僧進茗飲
拂玩壁間題當年青獅翁祖印於茲提面目信孤
冷高風迥難梯起尋龜堂碑庭草但萋萋徘徊日
墮檐轉覺古情迷

青山口

路轉青山口三秋景不凡峯高留落日江遠失征
帆紅樹圍僧舍黃塵滿客衫烹茶汲新水差喜別
潮鹹

姚江道中

西風吹客鬢日暮起清愁潮落新城岼人喧下壩
舟霜林通楚寺戍鼓出村樓到處多秔稻豐年慶
有秋

九日登龍泉山

江上正搖落黃花及佳辰獨客展幽翫登陟窮烟

蕭拾級龍泉山俯視姚江濱霜野多紅樹秋隴滿
黃雲川原不可極光景紛難陳蒼涼感暮節忽令
耳目新乃知塵土縛未若巖壑親長嘯下西風斜
陽如留人

洋浦

海門秋色裏一棹晚烟移野岬平沙遠西風去雁
遲霜清凋荻葦水落見螿蜩利濟塘邊路羈人動
遠思

龍山道中

路轉峰回直復紆秋光歷歷上肩輿烟巒稠疊看
難遍霜樹青紅畫不如雲脚日穿新雨後江心沙
漲落潮初農夫築圃都無事閒坐西風話起居

晚渡偃浦

靜夜江如練移舟月色明恰因風勢便正及暮潮
平漁火中流見人烟隔岬生推篷回首處山影落
波橫

西興

向晚江邊泊閒行過楚滕空林聞梵版斜日掛魚

魯人語往來艇茅檐遠近燈旅程應記取今夜宿
西興

展重九蒙堂看紅葉分得紅字

暮郎事幽討吹髣餘西風沙路度肩輿松陰叩梵
宮雲物晚逾佳遠樹紛葱蘢葉脫轉絢爛秋色爭
春紅斜陽一流照碎影尤璽瓏何哉霜華力染遍
榭與楓繪事安得到造化自為功延緣忘歸去下
界聞暝鐘行當續後游襟被偕遠公

雨中遣懷用懷清堂集病起四首原韻

漠漠輕陰晝掩關清秋况味稱踈頑興添張翰尊
鱸外身在莊周木雁間濁酒黃花聊自慰畫欄桂
樹有餘閒年來蠟屐心情慣擬趁初晴更看山
圖書散亂藥罏溫檢點平生慧業存已自十年登
仕版敢云萬里隔君門過墻脩竹含風咲貼水殘
荷帶雨喧如此清幽堪小住何論城市與山村
薄寒入夜覺微加布幔蘆簾次第遮夢醒鳴蛩喧
砌下雨餘涼葉墮檐牙張衡望遠愁偏劇潘岳驚
秋髣有華不分籬根添物色西風開到拒霜花

飲水真宜養谷神溪山還往盡幽人
耽詩未覺唐風遠竊祿終慚漢吏循
料理三餘偏耐嬾掃除一室自無塵
筆林茶竈蕭閒地清漏迢迢聽雨頻

題鄂中丞秋林讀易圖

龐鴻啟金鏡一畫萬理包所貴挾精蘊匪獨玩象
爰惟公裕經綸雷雨周四郊隻手陶元化端倪轉
符苞把卷坐磐石秋薄長林梢蕭雲映空水落葉
紛簾均澄懷覽物理羣籟屏喧呶前民與利用微
旨窺軒庖雲龍妙設施快展上下交陋彼經生家

苦為章句膠通變道蓋寡何異無用匏洵知醇儒
業詎以案牘清公餘理謠詠祭戟風蕭捐授經擬
從公載筆為胥鈔

雨中泛湖訪嶺雲上人

寒雲不散亂峰青小雨初收短檝停鴉帶斜陽投
遠浦人分落葉過空亭詩情歲晚多荒率游事尊
前雜醉醒欲就謙師話三昧又携茶具上南屏

渡江

歲晚何由得暫閒風塵况味最相關那堪十載浮

沉客又棹扁舟浩淼間波影動搖江口樹夕陽明
滅海門山昏鐘催喚西興渡倦鳥空林自往還

晚行

寒色滿征衣遙天淡夕暉江潮隨岝轉木葉逐霜
飛歲事已如此羈人猶未歸淒涼行役意空憶故
山薇

過清水亭

太守投錢處波痕自古清扁舟尋舊路秋色滿江
城傍水分魚斲沿村築稻棚苦吟為物色差慰旅

人情

登越王城

艤孤舟兮陟彼崇岡騁遠目兮望故鄉白雲逢逢
兮江樹蒼蒼歲月逝兮天將雨霜感游子之靡所
適兮空躑躅而徬徨

三江牖

於越古澤國內湖外江海蓄洩苟不時原田幾敗
乃三江適當山之衝兩崖石骨交盤龍富順湯侯
有神識於斯置牖如垣墉陰陽相度具成算二十

八宿羅心胸中孚端可信豚魚大川利涉吉允從
更分五行立水則啟閉時時符漏刻縱饒旱潦感
天行此牘能回造化力即今秋水方時至民服先
疇食舊德防川戒忝領簿曹竭來稅駕臨江臯有
功於民法當祀愷悌君子人所勞握衣廟下謹拜
手酌以康爵羞溪毛

遊秦望山天衣寺讀李北海寺碑惜非故物

詩以紀之

言尋天衣寺到寺日未午雙澗赴蒼池聲若灑涼

雨十峰翠連延爭獻好眉嫵佛香諸有空衆色歸
淨土華鯨時一鳴云以振冥苦已失金伽黎孰剪
秋雲補亭亭曇翼塔山鬼雉榛莽竒花識皈依靈
鳥訶法乳惜哉枯州碑弩啄失前矩有同碧落鏤
贗本昧模撫盜弄知阿誰撫讀吾意憮出山泉導
人歸徑了可取

消寒雜咏二首

餞菊

載酒黃花下殷勤酌一卮西風今日晚秋事隔年

期瘦蝶憐行色寒螢話別思幾多惆悵意百遍繞
荒籬

除架

藤蔓經霜後寒飈不可支
拆除留隙地料理備晨
炊野徑行無碍窮簷曝正宜
前村遙望處歷歷見
烟淡

冬日放舟至南屏

冬晴風日好有約共清游
木落衆山瘦雲寒梵寺
幽湖陰移竹徑人語出僧樓
歸去休嫌晚斜陽尚

可留

晚出東新關

寒雲釀暝色落日催短舟
獨坐倚篷牕光景相淹
留荻葦滿陂塘霜風吹颼颼
茆檐方暮炊烟氣連
村浮漁艇見三兩泛泛如輕鷗
小泊石橋側沽酒
野市頭陶然思一醉與世恒無求
却咲饑驅人紛
紛多所謀

過清風明月橋口占

渺渺烟波客路遙
篷牕剪燭坐深宵
何緣折葦荒

蒲日又過清風明月橋

訪張浦山

斜照散寒陰高城落木深故人憐契濶遠道一追尋
細讀齋中畫如聞海上琴倏然塵世外別自有知音

乍浦

海門咫尺乍川東萬頃鯨波浴日紅雲氣蒼茫迷
島嶼水光搖蕩上虛空魚鮫入市名難識舟楫何
人路可通咲我十年重過此駝裘烏帽倚霜風

觀海

萬里迴沃海若雄百川傾瀉俱朝宗蕭辰振衣出
南郭九山翠掃洪濤風紫瀾白浪互滂湃高檣巨
舶飄萍蓬平生壯觀咤未有奚止雲夢吞胸中天
吳罔象恣騰擲惶惑百怪愁魚龍乃知鄒衍說非
妄宙端宇表無終窮生洲祖洲若可到岐海幼海
應能通蜉蝣島嶼芥子耳微茫數點涵虛空是時
天高氣踈豁眼明直窮樽桑東凌跨何難遍九有
汗漫亦欲遊八鴻須知醯雞與河伯不可以冰語

夏蟲孤城落日更回首人烟一聚青濛濛升庵韻藻

陳山懷古

海山多峭卓陳山更雄尊磴道盤盤出松頂驚濤

駭浪何崩奔此山棲遯類有道靖獻先生開其源

宋陸正字行正教授陳山門人私謚靖獻先生見九山志明之末世數逸躅至

今往迹猶可論李確換米治竹筴確字潛夫不妄

易米見筴宋咸說易窺天根咸字爾恒讀易陳山

精見九山志我來策杖一憑吊謾謾但覺清風存惜哉

皇顧墓已失鶴化難招千年魂陳山有吳皇象顧

盤陀石上坐興嘆雲帆沙鳥風中翻安得琴高赤

鯉魚直泛渤澥追鵬鯤

乍川古蹟詩六首

龍母塚

山椒石盤陀輪囷偃虬松瘞蛻已千載雲氣今猶

封安得董羽手圖此子母龍宋董羽有出山子母

譜

涵空臺

陳山插海浦上有涵空臺清秋多佳日拄杖還一
來時見吞舟魚鼓鬣揚其頰

飛來鐘

在湯山瑞祥寺兩
經火燬遂失聲

古鐘知何年週遭無款識漫加飛來名傳自浮海
至蒲牢斷聲聞空翠悶蕭寺

搥衣石

浦上苦竹山舊有孟姜宅彼美嗟云遙猶遺一片
石佇想搥衣時秋月幾回白

瑞泉亭

靈湫一泓乳甃石覆以亭山僧供汲飲勿憂羸其
瓶我欲携都籃於烏証茶經

天馬峰

雅山多奇峰天馬尤駿猛宛爾驂騑姿惜未得馳
騁落日下烟嵐何處金鞮影

舟中

旅泊經三舍孤舟犯雪行寒雲連嶂遠暝色與波
平晚歲身烏託勞人感易生已多棖觸意况有別
離情

陳山龍湫歌

海波齋淪山龍從其下潛通龍之宮靈湫山半出
石隙一泓寒碧磨青銅傳聞季春日二九白龍於
此藏其母雷填填兮雨冥冥自宗迄今異著久里
巫樂神吹洞簫封羊屠豕揚鸞刀神其降止享明
祀雲氣遙屬山週遭謁來肅拜望極浦願歲十風
兼五雨龍之為靈洵昭昭福我海邦潤斥鹵

遊瑞祥寺

清冬簿領暇出郭宜幽尋磴道交蒙密竹樹相窺

臨徑迴石轉秀步入精舍深老僧坐團蒲冥默如
滅心生臺已過午寂歷下凍禽霜風激松吹鏗然
張天琴更躋竅高頂海日開巖陰夕磬來中峰白
雲度遙岑却顧山下路歸樵投烟林空抱荒率意
返策成微吟

寒夜分咏得擁爐

長夜宜深坐寒威未易勝重簾人不捲寶鴨火微
騰暖氣生吟袖陽和釋研冰更須燒鳳腦一室晚
香凝

舟過當湖訪曹莖九即次見贈元韻

暫作尋詩客扁舟一夕淹江城春色晚更鼓戍樓
嚴舊雨期聯榻輕寒不捲簾高齋無長物滿架盡
牙籤

次莖九再至乍川元韻

海門九點黛螺輕暖翠浮嵐遠近橫乍喜扁舟來
舊雨頓令春色滿荒城官情咲我風塵久詩味輸
君冰雪清投轄殷勤留暫住肯教容易作宵行

官齋偶成

閒官如寓客隨意泛觥船魚鳥添詩境溪山問舊
緣杏花寒食雨晴色海門烟迢遞京華夢遙遙各
一天

送竹田還里仍用前韻

芳草牽歸夢春風喚釣船三旬畝小住十載續前
緣驛路沾新雨湖山入禁烟知君吟興好不負養
花天

登雅山

陳山以泉名雅山以石勝磊磊誰作鬼面皴峰巒

竒倪若相競一峯卓立天馬奔一峰巋巖如龜鼉
伏獅卧虎不可狀頭陀高拱雲中尊其餘巖洞更
幽杳仙靈窟宅比蓬島月明會見羽衣來吹笛下
看塵空表適來遠視氣鬱葱到此但覺山童童不
知誰潑萬斛黛染成積鐵摩蒼穹可惜遠在東海
界袍笏未令米顛拜晚風吹袖返城隅陰壑刁騷
起靈籟

青龍觀古甄歌 并序

偶閱李潛夫乍浦九山志云明崇禎中觀

山青龍觀僧發地見一古墓墓下方上圓
石甄甃頂甄首作帟豹形四旁有晉咸和
元年正月十五宜侯王作十三字旋聞之
縣仍歲埋之考晉書咸和為成帝年號所
謂宜侯王者未審何屬率爾命筆傳諸好
古者

雙峰矗矗插滄泆西麓舊有青龍觀山僧發地獲
古甄遠近驚呼共傳看上帟帟豹炳蔚文歲紀咸
和正月半細考東晉諸職官宜侯王號是何官周

蘭溪集 卷十二
遭試讀十三字詎比傳疑盡欺謾幽宮宅此過千
秋短碣至今表苔厂司馬石槨譏速朽誰料此甄
尚完善墓門澆酒久無人鬼其餒而忽諸嘆當年
惜少好事家手搨翠墨供展玩玉魚金碗有時出
銅雀香姜亦已爛我為作歌諗來者免使望古憾
幽竄

食菜

淺碧浹黃態自殊園官分送到山厨花時小雨行
來早松下清齋配得無何氏盤餐猶待議劉郎蕃

殖漫成圖老饕飽噉無餘事慚愧中州士大夫

雨中書懷

東風簾幙雨沉沉靜掩荒齋致自深鄉國空勞牽
遠夢塵埃未敢負初心官於閒處差容懶天到春
來易作陰一任寒暄節候改但將清興托孤吟

三月十四日作

年年此日添惆悵每見花開怨曉風往事尚餘春
夢裏閒愁不盡雨聲中青天碧海途何遠江樹歸
舟讖已空蜂蝶紛紛太無賴又隨飛絮到簾櫳

得竹田來詩即次元韻

俄傳一紙音書到轉憶三旬笑語同小戶漫傾桑
落酒餘春吹過棟花風支分筆研閒官况領略溪
山舊寓公絲竹中年賴陶寫清宵歌曲度玲瓏時
演劇故事

喜閔蘊齋見訪

百里吳淞水春風鴨嘴船他鄉還信宿小別已經
年細雨挑燈話輕寒對榻眠况當櫻笋候光景最
流連

寄恒上人

海門寄跡忽經年流水行雲續舊緣苦憶山中燒
筍候袈裟堂上卧春烟
五峰雲氣半陰晴節序寒暄易變更一語寄君翻
舊案出山泉比在山清

題馮容大紅雨山房圖

水邊新築小芸廬淺夏清陰草木踈讀畫忽牽吟
興徃棟花風急落花初

聖因寺看牡丹

養花天氣尚輕寒湖寺春光入倚欄濃綠似露清
露重嫣紅微映日華乾惜騰未辦尊前醉繁艷何
妨物外看試與如來忝色相逆風聞處勝旃檀

生朝自述

江南櫻笋正堆盤留客開尊此日歡地近滄洲原
舊館人雖簿領是閒官年來自喜如黃犢世外何
須駕彩鸞時正演劇畢竟蓬弧成底事且憑絲竹勸加

餐

雜興

春風何處來花發庭前樹開時鬪艷陽落處隨飛
絮來者日以新積新遂成故茫茫宇宙間今古同
旦暮行樂貴及時大藥顏難駐古人惜分陰斯語
良非誤

夏日梅雨多重簾晝不捲主人有餘閒光景頗自
遣窓前樹色深砌下苔痕淺清風如故人時與一
繾綣雖無山林情自覺塵氛遠偶爾發孤吟結習
猶未免

四月湖上

廣澤堂集 卷十二 三十一
眾綠陰森畫不如落花天氣展春初烟浮小艇新
蒲外水漲平橋夜雨餘清景一番宜領略鄉心十
載漫勾除枝頭幽鳥頻相喚喚我提壺試野蔬

夏夜舟中

放船當淺夏入夜得幽境烟銷月彩輝風定波紋
靜野色散空明林木翳清影漁火遠灘頭數星猶
耿耿扣舷作微吟露下霑衣領白袷尚春衫未覺
中宵冷俯仰一身閒蕭寥萬慮屏何處起鐘聲聞
之發深省

閒居

閒居無事事長日借書書簿領欣多暇丹鉛頗自
如竹風三徑滿梅雨一庭踈唯有呢喃燕時來話
起居

重五日口占

去年今日家園樂檀板金樽按拍遲此日天涯成
獨客綠陰滿院雨如絲

偶成

官齋晝永靜紛譁日影微趨早放衙簾外風輕飛

乳燕池邊水漲足鳴蛙閒收竹露供調研自剪松
枝為煮茶省事年來成散漫不妨高枕作生涯

鐵珊招集藝舫

兼旬梅雨喜初晴短艇菰蘆淺處橫九點翠螺明

遠樹一泓新漲透孤城風中萍絮憐身世予曾借寓君之

西齋今其地已更他姓客裏盤飧荷友生便擬君家問漁具

釣竿嫋嫋亦關情

訪王竹堂

咫尺南湖路重來又幾年故人方卧病高枕看雲

烟雨足熟梅候風和刈麦天叩門通款曲茶話一
流連

同竹田誠叔恒上人湖上泛月

游雲飛盡冰輪滿紅藕香中畫舫停倒影四圍山
匝匝浮光一片水空靈幾人物外耽幽事此夕尊
前咲獨醒舒不夜久回船風露下數聲柔櫓過西
泠

宿恒公丈室

愛山元本性幽賞竟忘歸月上群峰靜湖空一鷺

飛踈林明遠火清露滴生衣欲就支公宿攜筇夜叩扉

馬秋玉自揚州以草葛見寄

梅雨灑牕晨光微游絲無力濕不飛綠陰冉冉簾
幙靜此時暄暑宜生衣竹西舊雨交情篤遺我織
絺三五束開絨皎潔凝新霜入手清涼比寒玉小
別江湖近一年寸心千里相纏綿裁為衫子服無
數披襟長晝風泠然

寄松亭弟

與汝長相憶頻年見面稀春風悲棣萼謂四弟夜雨
泣憲幃江海孤蓬遠雲霄一鶚飛自憐雖捧檄終
愧舞萊衣

消夏雜咏二首

磁壺

瑣屑茶人具荆溪時氏銘荆溪以時莠燒痕脂粉
民所製為佳淨壞色土華青涼院携松筴新泉漉井
筍安排風竹下為爾補圖經

蕉扇

誰劈斜紋葉依然便面同渚蒲材較細方竹製徒
工入手生秋意邀涼稱野翁渾疑學書處風露滿
墻東

書懷

晝永身閑意自寬塵埃百事不相干梁間巢燕同
為客墻外鳴蛙不屬官小吏狀來唯乞假故人書
到祇加餐京華迢遞白雲杳剩有思親夢未安

咏馬

天閑選神駿致遠以為量牝牡與驪黃一一窮形

狀鞭策付圉人駕馭唯皮相駕駘勢驍騰驂騮氣
凋喪乃知賞識難今古無殊樣伯樂不可逢鹽車
空悒快誰憐超塵姿同此棧豆養長嘶對西風霜
蹄自跌踢

寄竹田

八行問訊病維摩此日湖山好放歌
事少迎秋應占早涼多閒搖小艇尋芳芷更著生
衣卧綠蘿畢竟故人幽興劇羈愁咲我欲如何

立秋前一日送臨川歸武林

蘭溪堂集 卷十一
小別關懷抱躊躇握手中西湖鄉夢好南浦酒樽
同早稻村村綠斜陽樹樹紅到家三百里一半是
秋風

新秋

涼颼何處至庭樹已秋聲病骨欣初健生衣覺乍
輕橫空雲影碧入夜露華清此日登樓客應多望
遠情

寄壽嶺雲上人三首

遠公結夏地一榻南湖南野徑入深越脩篁蔽小

菴白雲清夢穩止水安心涵已得無生旨禪宗不
外叅

蘿月清窺牖荷風香到門峰高隣慧日性定契真
原歲月僧寮古人天佛膺尊韶華當五十靜裏足
乾坤

自咲塵中客輸君物外緣一官來海上雙屐別湖
邊雲樹牽新夢茶衣憶老禪遙知賢劫日正及散
花天

次竹田七夕秀州舟中韻

歲月如逋客江湖寄遠身秋風七日早涼露一宵
新沙鼓喧津吏烟波逐榜人期君有微尚同結買
山隣

七月九日乍川即事

涼堂最好泛觥船庭院蕭閒散曉烟海國秋風初
薦爽醉盤瓜果小開筵鍼樓乞巧纔三日湯餅留
賓又一年咲我衮師猶未得且憑靈照伴高眠

次竹田晚泊東湖韻

扁舟來百里向晚泊東湖秋氣妙烟水夜聲清荻

蘆塔空鈴自語市近酒堪沽暑退涼生候新苗待
雨蘓

中元風雨不能作海上之遊

擬趁新涼晚出城海門坐待月華生無端風雨辜
吟興却咲姮娥不世情

同竹田夜話即次元韻

官廨遙聽短長更心跡翛然喜共清明月似爭團
扇影西風初試擣衣聲閒鷗海上堪為侶舊雨尊
前倍有情坐久不知涼露下樹頭微動暗涼生

戲咏西水燈

五色青門種自殊
驚刀小試別成圖
團團瑩徹輝
寒玉面面玲瓏抱
火珠鏤月定知同
匠巧雕冰猶是費
工夫孟蘭時節張
新樣翻訝元宵市
裏無

輓魏更生

痛哭知無益
因君不自禁
十年還舊服
一死負初心
傲骨難諧俗
清才寂耐吟
空餘陳迹在
腸斷惜人琴

小別纔三月
誰知判死生
病緣醫藥誤
夢逐曉風

驚妻女情猶累
田園計未成
故人淒絕處
夜雨湍江城

嶺雲上人招集南屏山房同恒公作

湍湖風雨作重陰
好景偏宜笠屐尋
野竹有情能款客
閒鷗於我總無心
向來支許原同社
翻咲山王未入林
多謝齋厨分一飽
出山又聽晚鐘沉

蘭藻堂集卷十二終

新

林

新

道光甲辰自京安
 豐壬子由楚安
 一過仍復安
 誌識於廣督著



